

書名 [宋丞相李忠定公奏議  
六十九卷]附錄九卷  
正德十一年跋刊本 (卷  
第十二至第二十二第  
三十二至第四十)鈔本  
撰者 宋 李綱 撰, 明 朱欽  
輯併校  
卷 卷八  
內容分類 史-詔令奏議-奏議-宋  
索書號 大木-總類-奏議-別集-9  
編號 B1913500

# 卷八



[彩色首頁1](#)

東洋文化研究所漢籍目錄 編號: B1913500  
東洋文化研究所漢籍目錄所藏漢籍善本全文影像資料庫 索書號:  
大木-總類-奏議-別集-9  
漢籍善本全文影像資料庫文本 [宋丞相李忠定公奏議六十九卷]  
附錄九卷 正德十一年跋刊本 (卷第十二至第二十二第  
三十二至第四十)鈔本  
版權所有: 東京大學 東洋文化研究所  
使用上の注意事項

宋丞相李忠定公奏議附錄卷之一  
後學 同郡畏庵朱欽 輯併校  
文林郎邵武縣知縣泰和蕭洋 編校  
邵武縣儒學署教諭事嚴陵洪鼎 校正

靖康傳信錄序  
二日差充行營司叅謀官四日除尚書右丞充  
充親征行營使二月三日以姚平仲事罷職  
伏闕復舊職改充都大提舉京城四壁守禦  
除知樞密院事六月差充河北河東路宣撫  
使七月出師次懷州八月召赴闕議事九月還次封丘除



宋丞相李忠定公奏議附錄卷之八

語二十首

門下侍郎除特進知樞密院

東臺出命久隆獻替之風右府本兵實總樞機之任眷我  
近弼為時蓋臣宜錫命善往膺盛選具官某醇深而任重  
寬厚而剛方問學高明潛天人之極致材器宏遠備文武  
而咸宜自結眷知存歷華要擢參陪於機務益茂著於忠  
勤告辰猷而具臧秉一德而不爽言可底績知無不為以  
儒術之淵源達兵家之形勢智謀深博可以運籌帷幄之  
中聲名隱隆可以折衝廟堂之上朕心所屬輿論攸歸疇



咨爾亮之材延登宥密之地峻陞文秩申衍戶封肅示龍  
光式昭體貌方今邊陲聳動西有跳踉之戎中夏抗衡北  
有強黠之虜爾經制紆予顧憂徃惟既於厥心以對揚  
於休命

中書侍郎除門下侍郎

朕誕膺景命祇紹先猷慎揀左右執政之臣同底寅亮格  
天之業乃眷左省實本萬幾延登偉材協贊丕績肆頒命  
綽敷告朝紳具官某函量粹夷稟氣剛大學貫古今而懿  
文足以華國智周事物而厚德足以鎮浮蚤被眷知徧歷  
清近擢陪幾務之要益殫夙夜之勤贊治內書茂著股肱  
之美出納朕命備宣喉舌之勞曷其勲庸宜有褒陟進貳  
東臺之峻式昭眷禮之優朕方體道以就功量材以授職  
出命允資於審慎用人務極於公忠顧惟論駁省讀之司  
宜有獻替將順之益徃服朕訓永孚于休

尚書左丞除中書侍郎

朕嗣承丕緒祇遵先猷永惟機務之繁實賴股肱之助若  
時政本莫重西臺非得同心一德之臣曷致協恭和衷之  
效肆頒明命登進宏材具官某醇厚而裕和高明而博達  
淵奧之學足以謀王體典麗之文足以為國華蚤以明揚  
踐更臚仕擢總綱轄參陪政機屢陳長告之猷益勵匪躬

之節率六官而合治致庶績之咸凝輿情具瞻朕心簡在疇其勲業宜有褒崇是用擢自蘭臺進貳鳳閣惟命令出納之地迺政事弛張之原率由憲章爾其念敷奏之審勞招俊又爾其思進擬之公徃盡乃心務稱厥職惟予以懌汝亦有辭

尚書右丞除尚書左丞

文昌政事之原丞轄紀綱之任協贊庶務總齊百工必得同心一德之臣共濟持盈守成之業肆頒明命登進宗材具官某器度粹夷性資莊重富淵源之碩學有經綸之遠猷自結眷知參陪樂務謀王體而斷國論亮邦采而熙天功厥職允修外則率六卿以倡九牧其德不奕內則貳三事以毗一人疇其勲績之多宜有寵褒之數位以叙進擢陞左轄之司功以志崇更勵匪躬之節徃服朕命永觀厥成

吏部尚書除尚書右丞

朕光紹丕基祇適先烈惟執政大臣所以圖回萬機於廟堂之上者非瓌偉博達之材不以輕付膺此選者顧不重哉具官某器量凝遠識慮敏明文章之懿足以為國華議論之純足以謀王體蚤膺眷遇寔歷禁嚴居言語侍從之班有獻納論思之益頃自翰苑擢任天官銓衡有方風績



彌劬休有譽處恬然靖其由八座之聯進登二府之列  
菽自朕志禔于師言夫文昌政事之原丞轄紀綱之任康  
濟庶務總齊百工惟同寅協恭足以盡贊襄之美惟獻可  
替否足以起治功之隆往既乃心同底于道

翰林學士除吏部尚書

周建六卿天官掌群吏之治漢分八座選部考百官之成  
必資清恪之材克稱高華之選往踐厥服我得其人具官  
其誠度粹爽風猷敬勛蘊淵源之碩學富典麗之雉文蚤  
以明揚荐膺器使口言語待從之列有獻納論思之忠自  
屬禁林益據素蘊以論該洽每入告於燕閒號令溫醇有

古人之風烈疇其問望宜有褒陞是用擢由翰墨之司付以  
擢衡之任綜三銓之政令為六曹之表儀朕方體道以就  
功循名而責實一官闕則一事廢爾其為官而擇人庶事  
舉則庶績熙爾其量材而授職振肅綱紀俾猾吏有畏縮  
之心甄別賢能致寒士無滯淹之歎時為稱職則予汝嘉

戶部尚書

洪範八政實先食貨之功周官六卿尤重版圖之任惟國  
家經費之廣與戶口生齒之多與在民曹號為劇部欲稱  
高華之選必資精敏之材爰錫贊書以先茂舉具官某器  
量宏遠識慮強明學足以通今古之原智足以周事物之

變踐揚臚仕寔歷從班藹然俊儒之聲卓爾靖共之操論  
思忠讜有尊君享上之誠籌畫疏通有足國愛民之術擢  
由橐從進長版曹式資心計之優以總邦財之裕朕方理  
財以義爾無培克以失民心制用適宜爾無削弱以傷國  
體惟察懋遷有無之理以行闔關斂散之權取予有方公  
私俱足克修厥職時乃之休

禮部尚書

昔舜命伯夷以典禮命夔以典樂教胄子而周官宗伯之  
職皆兼掌之朕纂紹丕圖祇適先烈樂在大晟禮在奉常  
教養之法在學校而尚書禮部實總其政令職任清重為

六曹最分職率屬尤難其人以爾具官某直諒多聞溫恭  
有恪淵源之學足以謀王體典麗之文足以為國華居言  
語侍從之班有獻納論思之益秩宗之任莫如汝宜其自  
貳卿之聯擢陞八座之列朕方制禮作樂起太平之彌文  
尊道崇儒善天下之風俗爾其往踐厥服慎率乃僚使情  
文著明足以格神人之治而教法推廣足以得譽髦之材  
夙夜惟寅無替朕命則予一人以懌爾亦永世有辭

兵部尚書

周建六卿司馬掌九代之法魏分八座尚書有五兵之曹  
惟是夏官實總軍政克稱高華之選必資俊偉之臣具官



其器量恢宏性資莊重學博而守之以約材全而用無不  
宜蚤被眷知浸階華近獻納勵匪躬之節靖共懷難進之  
風其由從橐之聯往陟本兵之地蔽自朕志穆于師言朕  
方除戎器以戒不虞績武功以討有罪以號令之嚴統制  
諸將以符璽之信更戍重兵資爾推行副予注倚修車馬  
備器械以奮張於軍容平邦國統六師以折衝於外侮時  
汝之職其往欽哉

刑部尚書

舜命皋陶明五刑以作士周建司寇掌三典以佐王必資  
膚敏之臣以稱教中之任歷選在位我得其人具官某茲  
重而裕和簡嚴而博達學貫古今之要智周事物之幾蚤  
被揀求踐揚臚仕出受藩宣師帥之寄政事惟醇入居言  
語侍從之班聲華彌劭有剛明之材足以詰姦慝有仁厚  
之德足以矜無辜惟其威怒之並行宜副欽恤之美意是  
用擢由橐從進長憲曹以承靈制之祥刑以讞攸司之疑  
獄朕方推好生之德致囹圄之屢空明約法之章若江河  
之難犯辟以止辟刑期無刑爾其慎率乃僚祗若予訓不  
出輕而入重以公滅私不吐剛而茹柔惟明克允俾四方  
之風動使天下無冤民則予汝嘉時為稱職

工部尚書

朕惟周建六卿冬官實掌邦事飭材辨器度土居民凡百  
工之職悉總之今工部其任也能稱厥職實難其人具官  
某資識開明器量宏遠淵源之學足以知治體膚敏之材  
足以起事功蚤被眷知踐階華近居言語侍從之列有獻  
納論思之忠恬然靖其休有譽處其自貳卿之秩進登八  
座之聯分職事官率屬起部若保定辟無廢舊章稽功勒  
名厥有成憲昔帝舜疇若予工而垂之竹矢為後世所寶  
漢宣總核名實而百工技巧咸精其能往盡厥心無俾專  
美則朕以懌汝亦有辭

御史中丞除吏部尚書

憲臺執法久推彈糾之風選部掄材擢領銓衡之任陞華  
要劇名屬老成宜錫贊書以光茂舉具官某溫恭而體亮  
醇厚而直方學有淵源博極古今之要行無表襮率循防  
範之中自結眷知踐揚華近頃由橐縱之列付以風憲之  
司糾正官邪淮明國是知朝廷之大體竭耳目之攸司嘉  
乃忠純宜有褒顯是用擢從烏府進長天官為六曹之表  
儀綜三銓之政令版方循名而責實體道以就功爾其為  
官而擇人量材而授職振肅綱紀俾猾吏有畏縮之心甄  
別賢能致寒俊無滯淹之歎時為稱職則予汝嘉

翰林學士除兵部尚書



周建六卿司馬掌九牧之法魏分八座尚書有五兵之曹  
惟大事之在戎肆設官之尤重欲稱茲選必得其人具官  
某博洽而疏明溫恭而直諒蚤以儒術揚于禁林西掖代  
言藹著論思之美北門視草雅資潤色之功嘉謀闕議足  
以啓沃朕心大冊高文足以鼓動當世材無施而不可學  
有本而皆通其由翰墨之司往膺政事之任擢長武部率  
屬秋官朕方除戎器以戒不虞續武功以討有罪以號令  
之嚴統制諸將以符璽之信更成重兵資爾推行副予注  
倚修車馬備器械以奮張於軍容平邦國統六師以折衝  
於外侮時汝之職往其欽哉

開封尹除刑部尚書

殫命臯陶明五刑以作士周建司寇掌三典以佐王必資  
秉哲之材以稱教中之任往踐厥服我得其人具官某莊  
重而裕和簡嚴而博達學貫古今之要智周事物之幾蚤  
被眷知踐揚撫任擢總浩穰之政久推彈壓之風有剛明  
之材以震服於蒙右有仁厚之術以牧養於細民惟其威  
怒之並行宜副欽恤之美意是用擢從天邑進長憲曹以  
承靈制之祥刑以讞攸司之疑獄朕方推好生之德致圖  
圖之屢空明約法之章若江河之難犯辟以止辟刑期無  
刑爾其慎率乃僚祗若予訓不出輕而入重以公滅私不

吐詞而茹柔惟明克允俾四方之風動使天下無冤民則予汝嘉時乃稱職

太常少卿除禮部侍郎

棘寺置卿雅重奉常之選蘭臺合治尤高宗伯之司肆疇俊偉之材以明因任之道往踐厥服必惟其人具官其器質端莊文辭博敏揚歷中外之久雅著靖共之稱頃由郎曹擢貳寺政贊相禮儀之事雍容可觀討論郊廟之文淵源有據肆頒明陟之典往參春官之職自朕心穆于師論朕方制禮作樂起太平之彌文尊道崇儒善天下之習俗具有政令資爾推行惟率乃僚以佐厥長曲盡情文之

致茂宣夙夜之勤勉修厥官無替朕命

給事中除戶部侍郎

鸞臺寓直又推論駁之風蘭省陞華擢佐版圖之政誕揚明陟之典登進端良之材爰錫贊書往踐厥服具官某器資莊重識慮敏明學足以通古今之原智足以周事物之理蚤膺揀擢屢歷從班藹然俊美之聲卓爾靖共之操論思忠謹有尊君奉上之心籌畫疏通有足國厚民之術輟從左省往貳民曹式資心計之優以總邦財之裕朕方理財以義爾無培克以失民心制用適宜爾無削弱以傷國體惟察懋遷有無之理以行闔闕散欵之權取予有方公



私俱足時為稱職嗣有寵褒

殿中監除工部侍郎

朕惟周達六卿冬官實掌邦事飭材辯器度土居民凡百  
工之職悉總治之今工部其任也宜得通材往貳厥政以  
爾具官某器度凝遠智識敏明席世胄之高華諳措紳之  
譽望擢司省厥職允修肆疇爾勞陞華起部貳卿之列  
其任匪輕昔舜疇若予工而垂之竹矢為後世之所寶漢  
宣總核名實而百工技巧咸精其能朕甚慕之其率乃僚  
以佐厥長興事就功無伴前人之專美是為稱職嗣有寵  
褒

翰林學士除承旨

視草此門克著論思之益陞華東閣式昭寵遇之優我有  
俊臣宜膺妙選具官某器度凝遠資識敏明有經世之宏  
材有博古之奧學蚤蒙識擢寢歷清華由言語侍從之班  
司翰墨文章之任入奉清閒之燕毋輸獻納之忠嘉言閑  
議足以啓沃朕心大冊高文足以鼓動當世休有譽處恬  
然靖共惟潤色久留於禁林宜顧問獨承於密旨爰舉褒  
陞之典以明因任之方穆于師言蔽自朕志爾其摠發素  
蘊益究遠圖使號令溫醇無愧兩漢之烈訓辭灑噩有同  
三代之風則予汝嘉是為稱職

中書舍人除翰林學士

西掖代言藹士林之令望北門視草極儒者之至榮必資  
俊偉之材克稱清華之選往踐厥服我得其人具官某資  
識敏明器量渾厚夙富淵源之學發為典麗之文自策賢  
科寔階應仕被揀求之眷禮聯侍從之清班恬然靖共休  
有譽屢論思獻納秉一節以周旋號令文章有三代之風  
烈朕心所屬輿論攸歸是用擢自右臺進司內制仰惟前  
代擅金鑿之寵榮稽厥本朝有玉堂之故事惟周密足以  
盡贊襄之美惟體要足以昭潤色之功其究乃心毋煩予

訓

吏部侍郎除工部尚書

叙正群吏又登小宰之聯疇若予工以定司空之辟揀自  
貳卿之列擢陞八座之崇必惟其人乃稱茲選具官某性  
資純茂智識敏明文足以為國華學足以謀王體蚤躋臚  
仕旋陟從班論思可觀獻納惟允自總銓衡之政益殫夙  
夜之勤諳然聲華休有譽處其自天官之貳徃率起部之  
僚蔽自朕心稔于師論朕方總核名實欲技巧咸精其能  
爾其訓勵百工使制作悉遵于法無替朕命徃圖厥成

宋丞相李忠定公奏議附錄卷之八